



EUD-mi soraarummeernermi malittarisassat

Soraarummeernermi malittarisassat ukunani nassaarineqarsinnaapput:

- Karakteriliisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. juni 2008-imeersoq
- Inuussutissarsiutinik ilinniarfinni soraarummeertarnerit pillugit Namminersorlutik Oqartussat nalunaarutaat nr. 4, 18. marts 2015-imeersoq
- Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq
-

**Campus Kujalleq august
2015**

Siulequt

Soraarummeernermi quppersakkap suliarinerata siunertaraa, apeqqutit assigiinngitsut soraarummiilernermi nassuitsumik nassuiagassat pisariaqartinneqartut quppersaganngortinnissaat. Anguniarneqarpoq tunngaviusumik soraarummeernermut attuumassuteqartut tamarmik toqqissisimasumik soraarummeernerup nalaani misigisimanissaat.

Atuartitsineramik ingerlataqartut tamarmik, censorit, nakkutilliisut, allaffinnilu sulisut, ilinniartut peqatigalugit kissaatigisimavaat, soraarummeernerit eqqortumik tamanullu naammaginartumik ingerlasarnissaat.

Soraarummeernissamut quppersakkami, soraarummeernissamut paasissutissat pingaarutilillit arlallit, ipput.

Paasissutissat atuareerlugit, taamaattorli suli apeqqutissaqarlutit piguit, atuartitsisut, studievejlederi, imaluunniit atuarfiup aqutsisuinut attaveqarit.

Maluginiaruk soraarummeernissamut quppersakkamiittunik unioqquitsineq, ilungersunartunik kinguneqarsinnaammat.

Eqqaamassavat soraarummeertinnak quppersagaq atuaqqissaarsimassagakku.

Quppersagaq pineqartoq atuarfiup nittartagaatigut www.cak.gl aamma Lectio atorlugu iserfigineqarsinnaavoq.

Soraarummeerutigisarni tamani iluatsitsilluarnissarnik kissaappatsigit!

Takkuttussaataaneq

Soraarummeerneq ilinniartitaanermut pinngitsuugassaangitsumik atavoq.

Pinngitsoorani soraarummeertussaaneq. Soraarummeertussa qakkutinngitsoorpat soraarummeernermillu naammassisaqanngitsoortoq, ilinniakkap kipitinneqarneranik kinguneqartitsivigineqarsinnaavoq.

Oqaatsit

Nalinginnaasumik soraarummeerneq – læreplani malillugu allamik allassimasoqanngippat – oqaatsit fagimi atuartitsinermi atorneqarsinasut malillugit ingerlanneqassaaq. Censorip qularnaarlugu atuartitsinermi oqaatsit atorneqarsimasut atorsinnaanngippagit, soraarummeerneq pisariaqartitsineq naapertorlugu oqaatsit censorip atugai soraarummeersitsisullu atugai akuleriissillugit ingerlanneqarsinnaavoq, qularnaatsumik piumasaqaatit qulakkeerneqarsimappata.

Ilinniartut ilitsoqqussaralugu oqaaserinngisaminnik atuartinneqarsimasut piareersarnissaminnut immikkut sivitsuiffigineqassapput piareersarfissap 25%-imik

sivitsorneqarneratigut, soraarummeernissamut siunnersorneqarnermi aammalu allattariarsorluni soraarummeernermi.

Ilinniartut ilitsoqqussaralugu oqaaserinngisaminnik ilinniartinneqartut immikkut 25%-imik soraarummeernermi piareersarnissamut, soraarummeernissamut siunnersorneqarnermi, kiisalu allattariarsorluni soraarummeernermi immikkut sivitsuiffiqineqartassapput, aammalu immikkut piareersarnissamut 25%-imik tunniussisoqartassaaq aatsaat soraarummeernermi oqaasertanut case-imik suliaqarneq ilaatinneqartat, taannalu soraarummeernermit aamma ilaatinneqarluni.

Soraarummeernissamut innersuunneqarneq

Soraarummeertussatut, tamatigut atuarnerup ingerlanerani semesterini skoleopholdiniluunniit naammassigaangat innersuunneqartassaait. Tamannalu pisarpoq atuarnerup nalaani fagini ataasiakkaani, ilinniarnermi piumasaqaatit, ilinniarnissami pilersaarutit, ilinniakkamut aaliangersimasumut tunngasut, piumasaqaatillu allat tamaasa naammassisimagaanni. Soorlu makkuusinnaapput:

- atuartitsinernut naammaginartumik peqataaneq
 - allattariarsorluni suliakkiissutinik tunniussineq suliallu akuerineqarnerinik naammaginartumik kinguneqartumik
 - projektimi sulianik tunniussineq, fagini soraarummeernermi projektileriffiusuni
- Soraarummeernissamut innersuunneqarneq pisassaaq fagini ataasiakkaani ilinniartitsisut isumasiernerisigut. Soraarummeernissamut *innersuussinnginnissamut* aaliangerneq soraarummeertussamut nalunaarutigineqatassaaq allakkatigut.

Allattariarsorluni soraarummeernermi maleruagassat tunngaviusut

1. Soraarummeertussaaq soraarummeerfissamut minutsit 15-it sioqqullugu takkuteriissaaq. Oqaluttariarsorluni soraarummeernissami tulleriiaarnissaaq atuartitsisup ilinniartullu akornanni isumaqatigiissutigineqassaaq. Tamatumanittaaq soraarummeertussaaq piffissaaq sioqqullugu takkuteriissaaq. Soraarummeernissamut inortuilluni takkukkaanni, inspektørimut soraarummeernissami akisussaasumut saaffiginnittoqassaaq, taassumalu aaliangissavaa soraarummeernissamut akuerissanerlugu.
2. Ini soraarummeerfiusoq nakkutilliisup akuersineratigut aatsaat qimanneqarsinnaavoq.
3. Allattariarsorluni soraarummeernermi makkua atuupput, suliassaaq naammassigaanni, suliat nakkutilliisumut tunniuteqqaarlugit ini qimanneqarsinnaavoq. Suliakkiissutit akissutaallu soraarummeerfimiit anninneqassanngillat, soraarummeerneq naammassitinnagu. Ini soraarummeerfiusoq **qimanneqassanngilaq** akunnerup affaani aallartinnermi, akunnerullu affaani naammassilernermi.
4. Oqaluttariarsorluni soraarummeernermi makkua atuupput, suliakkiissutit apeqqutit allattukkallu soraarummeerfimiit anninneqassanngillat soraarummeersitsinerup kingorna.
5. Soraarummeertoq allanik nakkutilliisuunngitsunik oqaloqateqassanngilaq. **Saaffiginnissutit** tamarmik nappaanikkut pisassapput.
6. Atortut atorineqarsinnaasut atuartitsisup isumaqatigineratigut suliakkiissummiluunniit ersersinneqarsimasut pisassapput. Soraarummeertup nammineq atortussani nassassavai.

7. Soraarummeertup nammineq naliligassatut tunniussassat tunniunnissai akisussaaffigai. Akissutit tunniunneqassapput pappiaranngorlugit agguanneqartumillu ungalulerlugit, imaluunniit immikkut tunniunneqarsimasunut pappiaqqanut allallugit. Tunniussinermi akissutit ateqassapput, qupperneqarlutik, quppernerillu qanoq amerlatiginersut allanneqassapput. (assersuut: "s.3 ud af 10") kiissalu CPR-nr. Quppernertut tamanut allanneqassaaq.
Quppernerit tullerijiaartut ungalulikkallu nakkutilliisumut tunniunneqassapput. Assammik allatat tunniunneqassapput kuglepenimik tuschpenimilluunniit allaqqissaarlugit. Titartakkat diagrammillu aqerluusamik allanneqarsinnaapput. Akissutit ilaat naliligassanut ilaasusaaq, allaqqissaagaangippat ungaluata saqqaagut krydsilernerneqassaaq allaqqassallunilu "kladde ilagt til bedømmelse". Ungalua atinnik atsiortfigissavat.
8. Soraarummeertut PC-mik atuillutik suliaqartut USB-stickinik tunineqassapput akissutiminnut toqqrteriffissaannik, tunniussinermi USB-stick ilanngullugu nakkutilliisumut tunniunneqassaaq.
- ~~9. Mobiltelefonit qaminngassapput nakkutilliisullu nerrivianut ilineqarlutik.~~
10. Nerisassat imeruersaatillu killilimmik atorineqassapput. Tipiliussanngillat nipilioratillu.
11. Soraarummeertoq soraarummeernerup nalaani napparsimalerpat, suliaqqissutit suliaalu nakkutilliisumut tunniunneqassapput, ungaluanullu allanneqassaaq "napparsimavoq", nalunaaqutarlu qassinngornersoq.
Soraarummertoq inspektørimut innersuunneqassaaq.

Tunngaviusumik malittarisassat caseeksamen, oqaluttariarsornikkut kiisalu misileraalluni soraarummeerutigineratigut

- 1. Allatigut ilinniartitsisoq isumaqatigineqarsimangippat**, ilinniartuq siulleg, protokoli malillugu /alfabeti malillugu tullerriaarneq, piffissamut aallartiffisatut isumaqatigiissutaasimasumut piareersarnissamut soraarummeernissamullu takkutissaaq. Ilinniartut tulluuttut protokoli malillugu tullerriaarlutik takkuttassapput. Soraarummeerneq ullunut arlalinnut agguataarneqarsimappat, qulakkiissavat ulloq suna qassinullu takkutissanerlutit. Tamatigungajak ilinnartitsisup soraarummeernissamut tullerriaarnerit suliarisarpai nivinngarlugillu.
2. Soraarummeertussap akisussaaffigaa piffissaliusaaq kingusinnerpaamik minutsinik 10-nik sioqqullugu takkunnissaaq, atortussallu pisariaqartitami akuerisaasullu nassarnissaat. Atortut ikiuutaasinnaasut akuerisat ilanngussami suuneri takuneqarsinnaapput fagini soraarummeerutaasussani. Soraarummeertoqartillugu, soraarummeernermi tunngavissat takussutissartaqarnissaannik piunasaqartoqarpat, takussutissaaq pinngitsoorani saqqumissaaq, taamaangippat soraarummeerneq ingerlanneqarsinnaangilaq.
3. Case aallaavigalugu soraarummeernermi immikkut piareersarneq ingerlanneqarneq ajorpoq ulloq casemik suliaqarneq ingerlanneqartarmat. Ulloq casemik suliaqarneq akunnernik 8-inik sivissussuseqarpoq nal. 8 - nal. 16-ip tungaanut. Soraarummeertup nammineq akisussaaffigaa atortut tamaasa soraarummeernermi atugassami nassarnissaat. Casemik soraarummeernerup kingunerivaa, ilinniartut ullormik aaliangersimasumi atuarfimmi apeqqutinik tallimanik arfineq marlunnilluunniit akisassanik atuarfimmi suliaqartartarnerat, fagini pingaarnerni ilinniartitsisut casemi oqaluttuaq aallaavigalugu apeqqutinik sanasarpit, casemi oqaluttuaq ukioq taanna atuuttoq Undervisningsministeriemit Danmarkimi suliarineqartarpoq. Fagini oqaluttariarsorluni soraarummeernermik naggaserneqartuni inerniliussassat tullerriaarlugit allattorsimaffiannik suliaqartoqassaaq, ilinniartitsisup innersuutai malillugit. Taamaallaaat piareersarnerpit nalaani apeqqutissatut allatukkatit, allaaserisatit, akissutissatullu piukkussatit, soraarummeerfissamut nassarsinnaavatit. Inimi piareersarfimmi nakkutilliisut nakkutigissavaat soraarummeertup piffissaaq pisariaqartitaa, fagimut sorlermut tunnganersoq naapertorlugu ingerlanneqarnissaa.
4. Case aallaavigalugu soraarummeernermi, nalileeqaataasup aalajangissavaa, Case aallaavigalugu apeqqut sorleq soraarummeertup, akisassarineraa. Apeqqutit allat apeqqutillu itisiliinerusut, soraarummeersitsisumit, saqqummiunneqassapput. Fagini oqaluttariarsorluni soraarummeerfissani, fagimi atuartitsisoq soraarummeersitsisuussaaq, soraarummeernermilu apeqqutit saqqummiutissallugit. Soraarummeersitsisoq akuersiteqqaarlugu, soraarummeernermi nalileeqaataasoq soraarummeertumut ataasiakkaanik apeqquteqarsinnaavoq. Soraarummeernissamut piareersarluni piffissarititaasup sivissussusaa, fagimut sorlermut atanerata aalajangissavaa.

Uani maluginiagassaavoq, ilinniakkani teknikkimut tunngassuteqartuni, oqaluttariarsornermi soraarummeerneq, soraarummeernertut nalinginnaasutut imaluunniit case aallavigalugu soraarummeernertut, ingerlanneqarsinnaammat. Tamanna atuartitsinermi pilersaarutini pigineqartuniippoq, soraarummeernerullu qanoq iluseqartinneqarnissaanik ilinniartut, ilinniarnep aallartinnerani, paasitinneqassapput.

5. Fagimi ilinniartitsisoq soraarummeersitsisorlu soraarummeernermi piffissaq tamaat najuutissapput.
6. Soraarummeerneq naammassippat kinguninngua karakteriliusaaq tunniunneqassaaq, censorip soraarummeersitsisullu isumaqatigiinneratigut aaliangiussaaq.
7. Soraarummeernerup torersumik ingerlanissaa anguniarlugu, soraarummeertussat, soraarummeertullu karakterissaminnik utaqqisut, ilaminnut akornutaasumik pissusilersunnginnissaat innersuutigineqarpoq, soraarummeerfiup piareersarfiusullu, silataani.

Soraarummeernermi maleruagassanik unioqqutitsineq

Soraarummeernermi maleruagassanik unioqqutitsiguit, atuarfiup pisussaaffigaa misilitsinnermit qimaguteqqullutit, soraarummeerutillu ingerlanneqartut naammasseriikkalluunniit, atorunnaarsissallugit.

Soraarummeertoq, soraarummeernerup nalaani akuerisaanngitsumik ikiuutaasinnaasunik pissarsiniarsarisoq imaluunniit ikiuiniarsarisoq soraarummeerutip akinissaanut naammassinissaanulluunniit, imaluunniit akuerisaanngitsunik atortunik ikiuutaasinnaasunik atuisoq, misilitsiffimmiit qimaguteqquneqassaaq.

Soraarummeernerup nalaani kingornatigulluunniit pasitsaassisoqarpata, soraarummeertoq akuerisaanngitsunik atortunik, ikiuinernilluunniit pissarsisimasooq, allalluunniit suliaanik nammineq suliamisut isikkoqalersitsisoq, imaluunniit siusinnerusukkut suliaminik innersuussinani atuisoq, soraarummeernermi inspektørimut akisussaasumut apuunneqassapput. Pasitsaassat tunngavissaqarpata, naliliinermullu sunniuteqarpata, atuarfiup misilitsinnermit qimaguteqqussavaatit.

Soraarummeernermi akissutit eqimattakkaani allaganngorlugit suliarineqarpata, ataasiakkaallu akissutaat ilaatinneqanngitsut malugineqarpata, kingusinnerusumilu akissutit naliliinissamut oqaluttariarsorluni soraarummeernermit tunngaviusussanut ilaappata, eqimattani peqataasut akissutissat pissarsiarinissaannut akisussaqaataapput. Eqimattani peqataasut eqqunngitsumik ikiuisimasutut uppersarsineqarpata/ta soraarummeernermit qimaguteqquneqassapput.

Soraarummeernerup nalaani akornutaasummik pissusilersoruit, soraarummeerfimmiiit qimaguteqquneqarsinnaavutit. Annikinnerusumillu pinartoqartillugu mianeersoqqusummik tunineqarsinnaavutit.

Soraarummernissamit qimagutsitaanerup kingunerisinnaavaa karakteriliussaagalugit atorunnaarsinnaqarnerat, soraarummeernissamillu periarfissinneqarnermik atuineq, atorneqareerluni.

Soraarummeernerup nalaani napparsimaneq takkutinngitsoornerlu

Napparsimaneq:

Ullormi casemik suliaqarnissaagaluami soraarummeerfissaagaluamiluunniit napparsimagaani **piaartumik** Campus Kujallermi allaffik oqarasuaatikkut attavigineqassaaq. Tassa imaappoq nal. 8.00 tikitsinnagu. Tamatuma saniatigut nakorsamit uppersarsaat nassiunneqassaaq, illillu nammineq taanna aningaasartuutigissavat. Kingusinnerpamik ulloq taanna fagimi matumani soraarummeerfissaagaluami, nassiunneqassaaq. Allat soraarummeersinnanginnermut patsisaasinnaasut, atuarfiup nalilersuineatigut napparsimanermut assingusinnaasutut nalilerneqarsinnaapput.

Kinguaattoorneq:

Piaarnerpaamik atuarfiup allaffianut sianerlutit saaffiginnigit, nalunaarutigalugulu qaqugu takkussinnaanerlutit. Takkunnermi atuarfik sinnerlugu pisortaasumut saaffiginnissaatit, taassumallu nalilissavaa soraarummeernermut matumunga peqataasinnaanersutit.

Soraarummeertussaq kingusinaarluni takkuttoq soraarummeertusnaanermik pisinnaatitaaffeqanngilaq. Piffissarititaasorli sivitsunngikkaluarlugu - Atuarfiup aaliangersinnaavaa allattariarsorluni misilitsinnermut peqataasinnaasoq - qulakkeerneqarsimappat soraarummeerutaasussaq siumut paasereersimanngikkaa - kinguaattoornermullu patsisaasut naammaginartumik tunngavissaqartut. Kinguaattoorneq oqaluttariarsorluni soraarummeernissamut pisimappat, atuarfiuttaaq soraarummeertussaq kingusinnerusukkut soraarummeernissamik neqeroorfigisinnaavaa. Atuarfiuttaq akuersaarsinnaavaa napparsimasutullu soraarummeernissamik innersuussilluni qaffasissumik timersornermik ingerlataqartoq soraarummeernerup nalaani unamminermut assigisaanulluunniit peqataasussaappat.

Tunngaviusumik maleruagassaavoq soraarummeernissamut inortuigaanni soraarummeernermut peqataasinnaannginneq.

Napparsimaneq patsisigalugu soraarummeerneq immikkut ingerlanneqartussaq pissaq, tulliani napparsimaneq patsisigalugu soraarummeersitsinnermi imaluunniit soraarummeernissami nalinginnaasumi tulliuttumi.

Napparsimaneq pequtigalugu soraarummeernermi imaluunniit soraarummeernermi nutaami peqataasinnaavutit makku aallaavigalugit:

- a) piffissaatillugu nakorsamit napparsimanermut uppersarsaat tunniussimagukku imaluunniit
- b) immikkut pisoqarnera patsisigalugu soraarummeernerup nammassisinnaanngisimaneq

Allakkatigut akissutit

1. Allattuiffinnut tamanut, allaqqissaarfinnut pappiaqqanullu ungaluliussanut tamanut ateq, cpr.nr.-oq, klasse holdiluunniit, fagi piffissarlu soraarummeerfiusoq allanneqartassapput (soorlu, august 2008).

2. Malugiuk akissutip ilusissaa soraarummeerummi allassimasusaaq. Allamillu allassimasoqangippat, akissutitit kuglepen imaluunniit blæki atorlugu allanneqassammata (imaluunnit print, qarasaasiaq IT-luunniit atorpeqarsimappat).
3. Suliakkiissutit naammassippata, allaqqissaakkat immikkullu allattuivissat pappiaqqamut ungaluliuussassamut ikineqassapput. Quppernerit naliligassatut kissaatigisat tamarmik normulersugaassapput. Akissutit tamakkerlutik allaqqissaarneqarsimangippata, allattukkallu naliligassanut ilaatinneqassappata, pappiaqqap ungaluliuussassap iluanut ilanngullugit ilineqassapput nalunaaqutserlugillu: Allattukkat ilanngullugit naliligassat.
4. Allattukkat naliligassanut ilaatinneqanngitsut, nalunaarsorneqassapput ateq, cpr.nr., klasse fagilu. Allattukkat taakkua immikkut nakkutilliisumut tunniunneqassapput.

Immikkut maleruagassat soraarummeernermi IT atorpeqartillugu

IT-mik atuisoqassatillugu nalinginnaasumik qulakkeerneqassaaq, soraarummeertut avammut imminnulluunniit attavigisinnaannginnissat, aammattaaq paasissutissanik toqqorterivinniit imaluunnit netværkimiit, tamanna immikkut akissutit suliarineranni atugassatut periarfissaritinneqangippat.

Allattariarsorluni misilitsinnerup nalaani periarfissaqarputit elektronik atorlugu oqaatsit, kukkunerit naqqinnissaannut, allatigulluunniit allattukkat, allattorsimaffiannik atuisinnaallutit, nalinginnaasumik soraarummeernermi atorsinnaatitaasunik manuelinik allattariarsorluni soraarummeernerup nalaani.

Allattariarsorluni soraarummeernermi atuarfiup IT-mi atortui atorpeqassapput. Atuarfimmit akuersaarneqanngilaq, soraarummeerut namminneq IT-mi atortuminnik atuinissat.

Teknikkikkut ajornartorsiuteqarneq pillugu: Atuarfiup qulakkiissavaa teknikikkut ajornartorsiorneq soraarummeernissaq sioqqullugu, soraarummeernermi, soraarummeernerullu kingorna ikiuisinnaasunik peqarnissaq.

Soraarummeernerup nalaani sarfaaruttoortoqarpat allatigulluunnii teknikikkut ajornartoortoqarpat, iluarsilertorsinnaanngisunik, soraarummeerneq ingerlaannassaaq IT atornagu. Nalinginnaasumik atuarfiup IT-mut akisussasua pissarsiarineqarsinnaavoq ikiuussinnaallunilu ullut tamaasa nal. 8.00 -16.00 akornanni.

Soraarummeernissanut pilersaarut

Atuarnerup aallartinnerini tamani ilinniartut tamarmik soraarummeernissanut pilersaarutinik tunineqartarput, fagit sorliit soraarummeerfiussanersut ullorlu suna soraarummeertoqassanersoq.

Oqaluttariarsorluni soraarummeerneri, ullut soraarummeerfissat arlaliusinnaapput, klassini holdiniluunniit ataasiakkaani soraarummeerfissat ulluni arlalinni ingerlanneqarsinnaapput. **Illit nammineq akisussaaffigissavat** paasiniassallugu tullerriaartuni sorlermiinnerlutit qassinullu soraarummiissanerlutit.

Allattariarsorluni sulianik projektinullu tunniussivissanut killigititaasut

Immikkoortumi **Soraarummeernissamut innersuunneqarneq**-mi takuneqarsinnaavoq innersuunneqarnissamut tunngavissatut ilaatinneqartut allattariarsorluni suliakkiissutinik tunniussisimanissaq. Tassa ima paasillugu allattariarsorluni suliakkiissutinik atuarnep nalaani fagini ataasiakkaani suliakkiissutaasartunik pinngitsoorani tunniussisussaaneq.

Tamatuma saniatigut immikkut projektiliornerit ingerlanneqartartussaapput, allaqqutassaangitsumik tunniussassanik, fagimilu ilinniartisisup tunniussinissamut killigititaq nalunaarutigissavaa.

Skolevejledning

Atuarfimmiiinnerup naammassinerani skolevejledningi tamatigut tunniunneqartassaaq lærlinginut tamanut, atuarfimmiiinnerup immikkoortuanut angusisimasunut. Skolevejledningimi allaqqassapput lærlingip karakterii fagini ataasiakkaani temaprojektimilu.

Lærlingit angusinnitsoortut skolevejledningimik tunineqassanngillat.

Angusinissamut piunasaqaatit

Misilitsinnerni atuarfiup angusinissamut piunasaqaatit faginut ataasiakkaanut attumassuteqartut allattussavai læreplanimi. Angusinissamut piunasaqaatit naammassineqarsimasussat naliliiniarnermi tunngaviusussat soraarummeernermi, soraarummeertup suut pingaarnertut piginnaasaqarfialugit takutissanerai allaqqassapput.

Angusinissamut piunasaqaatit ataani allassimasut pinngitsooratik naammassineqarsimassapput atuarnep nalaani:

1. Misilitsinnerni karakterit agguaqatigiissinnerat minnerpaanik E/02 (qummut akunnaalliliisoqassannilaq).
2. Lærlingeni atuarnep nalaani atuarnep minut aallussisimassaaq piunasaqaatit naapertorlugit. Atuarnep minut aallussineq taassavoq takkuttaneq (atuannitsoornermut maleruagassat naapertorlugit) aammalu suliakkiussanik tunniussisarneq, kiisalu
3. soraarummeernerit projektillu tamarmik naammassineqarsimanissaat.

Lærlingip qulaani pineqartut pingasut naammassisimannippagit, atuarnep tassani angusinnitsoortutut nalilerneqassaaq.

Karakterskala

Karakterit naliliinermi soraarummeersitsinermilu GGS skala malillugu tunniunneqassapput (karakterskala atorpeqartoq)

Fagit ilinniarnerrillu ataasiakkaat, nalileeriaatsit angusivoq/angusinnigilaq atorlugit ingerlanneqartarput. (soorlu valgfagini SK6-imi).

GGS SKALA

A

Naammassisamut pitsaalluinnaartumut

KARAKTEREN A naammassisamut pitsaalluinnaartumut tunniunneqassaaq, atuartitsissummi anguniakkanik naammalluurtumik takutitsisumut, amigaateqanngitsumut imaluunniit annikitsuinnarnik pingaaruteqanngitsumik amigaateqartumut.

B

Naammassisamut ajunngivissumut

KARAKTEREN B naammassisamut ajunngivissumut tunniunneqassaaq, atuartitsissummi anguniakkanik annertuumik naammassinninermik takutitsisumut, annikitsumik ikittuinnarnik pingaarutilinnik amigaateqartumut

C

Naammassisamut ajunngitsumut

KARAKTEREN C naammassisamut pitsaasumut tunniunneqassaaq, atuartitsissummi anguniakkanik naammassinninermik takutitsisumut, arlalinnik amigaateqartumut

D

Naammassisamut ajorpallaanngitsumut

KARAKTEREN D naammassisamut ajorpallaanngitsumut tunniunneqassaaq, atuartitsissummi anguniakkanik annikinnerusumik naammassinninermik takutitsisumut, amerlasuunik annertuunik amigaatilimmut

E

Naammassisamut naammattumut

KARAKTEREN E naammassisamut naammattumut tunniunneqassaaq, atuartitsinermi anguniakkanik minnerpaamik akuerineqarsinnaasunik takutitsisumut

FX

Naammassisamut naammaginangitsumut

KARAKTEREN FX naammassisamut naammaginangitsumut tunniunneqassaaq, atuartitsissummut anguniakkanik akuerineqarsinnaasunik takutitsinngitsumut

F

Naammassisamut pitsaanngitsumut

KARAKTEREN F naammassisamut akuerineqarsinnaanngilluinnartumut tunniunneqassaaq

Karakterit katinnerisa naatsorsorneranni karakterit (A - F) danskit 7-trinsskalanut nuunneqassapput. Kisitsisit nalinginnaasumik ilivitsunngortinneri malitassat nalinginnaasut malillugit ingerlanneqassapput – taamaakkaluartoq angusinnigitsoorneq qummut angusisussanngorlugu (2,0)-imut qaffanneqarsinnaanngilaq.

Soraarummeerneq pillugu naammagittaalliuutit

Soraarummeernermi karakteriliussat piillugit naammagittaalliuutit:

Siullertut ilinniarnermut pisortamut saaffiginnigit.

Atuarfimut naammagittaalliuutit soraarummeernerup nalaani pisut karakterileereernermit ullut 14-it qaangutsinnegit tunniunneqassaaq. Naammagittaalliuut allaganngorlugu tunniunneqassaaq tunngavilersuuteqarlutinilu. Tuungavilersuutit makkuusinnaapput:

- 1) soraarummeersitsinerup ingerlarnga
- 2) apeqquasiat suliakkiissutilluunniit ilinniakkap anguniagaanut atuumassuteqarnerat
- 3) naliliineq

Allattarissatigut soraarummeerutitik naammagittaalliornermi, ilaatigut piumasarineqarsinnaavoq suliakkiissutit suliallu assilineri naliliiniarnermi atugassatut piumasarineqartut.

Atuarfiup ingerlannartumik naammagittaalliuut soraarummeersitsisumut censorimullu ingerlateqqissavaa, oqaaseqaateqarfiequullugu. Oqaaseqaat naammagittaalliortumut takutinneqassaaq, oqaaseqaateqarfigineqarlunilu, sapaatip akunnerata ingerlanerani.

Tamatuma kingorna Campus Kujalleq'-up bestyrelsiata aaliangiiffigissavaa, aaliangerneq naammagittaalliortumut ilinniartunullu allanut matumunnga atuumassuteqartunut ingerlaannaq nalunaarutigineqassanersut. Aaliangiussat makkuusinnaapput:

- 1) Nutaamik naliliisoqassasoq (ombedømmelse)
- 2) Ilinniartoq nutaamik misilitsissasoq (oprøve) imaluunniit
- 3) Naammagittaalliuut akuersaarneqanngilaq.

Atuarfiup pisussaaffigaa naammagittaalliuut, naammagittaalliuutip tигuneraniit qaammatit marlut ingerlaneranni aaliangiiffigisallugu.

Malugeqquneqarpoq misilitsiqqinnerup nalileeqqinnerullu kingunerisinnaammagu, karakterimik appasinnerusumik pissarsineq, Namminersorlutik Oqartussat nalunaarutaat nr.4, 18. marts 2015-imeersoq Inuitissarsiutitigut Ilinniartuunni soraarummeernernut tunngasoq malillugu.

Immikkut nalileeqqittoqassappat imaluunniit militsittoqaqqissappat tamanna piaartumik ingerlanneqassaaq naammagittaalliuutip aaliangiiffigineraniit. Nalileeqqittoqassappat misilitsittoqassappaalluunniit nutaanik naliliisussanik misilitsitsinermilluunniit ingerlatsisussanik toqqaasoqassaaq. Naliliisussat qassiunissaat misilitsinnermi naammagittaalliuutigineqartumi malitassat naapertorlugit ingerlanneqassapput. Pitsaassutsinut nakkutilliinissamullu censoriusussamik misilitsinnissami toqqaasoqarsimappat, ilinniartuunni nutaanik naliliisussanik toqqaassaaq nakkutilliisussaataasut maleruagassaat naapertorlugit.

Atuarfiup aaliangiussaanut naammagittaalliuutit:

Atuarfiup naliliinera naammaginngikkukku, eqqartuussisutigoortumik naliliinissaq unnerluussutigineqarsinnaavoq ilinniartitaanermut qullersarqarfimmut (Departement for Uddannelse). Tamannalu pissaq nalliliinermiit sapatip akunnerisa marluk ingerlaneranni.

Soraarummeernermut akisussaasoq

Soraarummeersitsisup pisussaaffigaa censori ilisimatissallugu soraarummeernermi piginnaasaqarfissatut anguniagassat suunersut (tunngaviusumik soraarummeernerup nammassinerani) qanorlu iliorluni suliami/projektimiluunniit tamanna ersersinneqassanersoq.

Censorip kisimiilluni qulakkiissavaa naliliineq soraarummeernermi malitassat naapertorlugit ingerlanneqarnersoq, naliliinermilu tunngaviusut imaluunniit soraarummeersitsinermi tunngaviusut eqqortumik ingerlanneqarnesut. Soraarummeersitsinerup ingerlanerani nalorninermik pilersoqarpat, censori soraarummeersitsisorluunniit periarfissaqarput soraarummeerneq unitsissallugu, qullersanullu soraarummeernernulluunniit akisussaasumut attaveqarlutik.